

二

江南風物在新春筆底生花幻水村似月付將千片  
影因風欲動一窓痕逢人固是難攀折入帳還應惱  
夢魂笑殺朝來無粒米呼童捲向市邊門

寄京中諸公援者

車塵大道何紛紛迎人酒後策奇勳夷門老監屠存  
趙燕市悲歌淚數君北馬穿花添纒錦南鳥叫月望  
飛群因交棄印渾間事說向傍人聞不聞

寄京中諸達者

并前首可一笑

連天海水浸無涯赤地波臣望客車天上並能扶日  
月泥中何事爛魚蝦輕颺夜轉西園白大轂春迴北  
斗斜欲寄望諸墳上酒馮君一爲酒梨花

送沈叔成

沈上疏請復父仇故以孫策事比之

稽山鏡水秀堪餐孝子忠臣古所難冰雪十年身尚  
在風塵一劍事俱完青騾春蹠梅花暖紅雨朝揮柏  
樹寒欲借伯符三尺手高翻銀漢洗人間

送某之大倉

吳中曾客幾經年此去書帷得主賢潮認舊人頻到

後文  
三集  
卷之  
一  
岸燕穿新柳特迎船蘆芽白白河豚上梅雨昏昏海  
國祇應憶越山籠鶴在長於月出叫孤圓

臺灣國家圖書館, NATIONAL CENTRAL LIBRARY, TAIWAN, R.O.C.

徐文長全集

卷九之卷十二

七言排律 五言絕句

六言絕句 七言絕句 詞



臺灣國家圖書館, NATIONAL CENTRAL LIBRARY, TAIWAN, R.O.C.

徐文長三集卷之八

明會稽

徐渭

文長

著

陶望齡

周望

校

謝伯美

開美

商濬

景哲

陳汝元

起侯同校

五言排律

宣府槐龍篇有序

宣鎮開府之西有槐曰槐龍高不過丈餘圍

亦未匝兩把而廣團如蓋斜枝如龍蛇重不可勝支柱以數十可擬五楹屋之覆盛夏葉生蒼赭鶯撲又若龜穹而鵬下語其奇蹇非特一世所無卽鄧林見之亦當却避而偃也然所云丈餘者榆榭耳而頂折處始爲槐相傳 毅皇帝幸此中人所接以植者或云

文皇予視之非百年中物云 文皇蓋 文皇數幸此以討不廷 行殿當槐處意槐植其時殆然耶舊爲某叅戎宅圃以其所從來

如是也久之不自安迫今吳鎮公至則曰是地爲 聖祖臨御以平定所不可以私準其直贖之遂稍新其構用以備講武饗士予過鎮公與萍逢者數人憇其下少焉榼至爲數酌起步稍北得曲甃似以浮罈而涸不流問水得古方井去槐可數十步汲以漱冷不可啣以其甘也勉吸焉始悟水木母也母殊而子以凡理限可乎以此推之未百年而成是植未爲不可信也

大樹將軍號喬松大夫封何如茲茂蔭宛爾作深籠  
目目尖成兔條條結縮龍乘涼翠葆颯撐暑碧油烘  
開府何年買 天王舊物鍾賓觴飛遞外塞畧坐籌  
中鵬翼垂天下龜裙覆海穹柯南蟻壘國甃北乳方  
泓的的朱門照霏霏綠霧濛干雲榆所接影月桂能  
通赭夾承新蛻青絲斷墜蟲五楹團廣廈百柱卓雄  
風大漠馴驕子長城屬今公一枝陰虜馬半葉掃邊  
烽矢石無忘備尊疊稍可從 先朝勤灌溉後代倚  
幢幢虬擬 皇情悅黃猶御氣蒙 長陵如可作願

柱大明宮

與菊山人漆集龍槐下得君字

容思慘無忻邊中况少文俄從大雄寺得過小菖君  
有水冰俱咽無風日偶薰邀將槐樹下宛見蟻封分  
凍落千條翠乾盤五丈雲闔人知幾輩得賞始吾群  
九曲觴流畔雙萍席海濱天寒紅袖少俎暖白芡葷  
市馬倚胡立鳴駝隔館聞歸途須一晝安得李將軍

紅葉

霜氣冷淒淒林臯變在茲青娥連夕染白帝一朝司

戶戶朱堪映山山麗可窺風吹霞片斷鳥繡錦枝栖  
歷歷依雲爛鱗鱗炙日低挂藤丹壁混垂果絳梨迷  
時落秋宮裡孤飄浣女衣翠裙嬌點茜纖手拾乾脂  
供掃楓居半權書柿苦稀天與漁樵景莫令一夕飛

水僊

棄粉當粧匣拋脂落茜坡黃姑挿金鴈織女洗銀河  
敢以人間色來方天上娥借烟行作雨不黛掃成蛾  
渡海群騎燕橫江或跨鷺盈盈素羅襪泛泛綠鱗波  
剩馥迷湘芷餘嬌付越荷兔房秋杵藥鮫室夜珠梭

道子描難似非烟繡不過張顛狂草筆塗罷一高歌

萬曆二年翰林院中白燕雙乳輔臣以獻進

兩宮並賞殊瑞聞而賦之

以在玉堂故四句云

白燕自何方雙嬌乳玉堂若非翻向壁只道斲從梁  
易許青藜映難教黑扇藏宮釵今兩隻巷口幾斜陽  
並語裁薇處交栖視草傍春情堪與譯秋翻好填潢  
御水沿溝岸名園隔苑墻穿花雪片疊落絮剪刀長  
遍拂宵麻素爭搗曉禁蒼隨珂迷賈至遮字冷孫康  
未及郊禰候先歌命鳥章 兩宮看帶笑 萬乘盼

徐文長三集 卷之八 四一  
生光或向呆愚度閑馮女寺量江南來舞芋海國墮  
綃襠哺蝶欺殘粉梢蜂糝嫩黃古詞卑首宿新曲斷  
滄浪出入皆清禁差池半紫房姬姜紅線繫姊妹縞  
巾揚巷詠偏諧謔 廷裁必雅莊水霜俱入句咀嚼  
總生涼飲啄如知介飛鳴迥不常瓊瑤報 聖主文  
彩伴僊郎自古生賢佐多因爾兆祥試看今稷契還  
奉舊虞唐

送史叔考讀書兵坑

連歲賡酬久茲晨伴侶稀百觥澆鶴卵一硯匣蠹  
漸到鳴灘岸微穿聚葉暉窮經朱簡斷搨字墨光肥  
霜白與鷄早茅紅掣兔飛逐時文股麗入悟習心非  
水遠緘魚斷山深脯獸晞客來供鹿蹠雉下警羅扉  
竹筏何曾爛耽玄自不歸

觀浴象

昨一象忽狂而奔折廟門之閉又  
輟耕錄持荷筒吸酒名象鼻飲

帝京初伏候出象浴城端乍映長壕黑時泗巨浪漫  
有顛皆積垢無尾不藏癡出沒漩渦口崔嵬麓岬端  
巴蛇吞未下灑石浸還乾决盪麓泥落吹噴細雪殘  
鼻卷荷屈水牙劃藕穿瀾逐隊趨蹄易呼群拭背難



徐文長三集 卷之八 五  
秣芻廝養習前刷羽林官並是生殊域同來飼一闌  
不爭倚力大共荷 主恩寬帶濕驚鈞鐵携涼臥藁  
搏龜鼉心不畏鼠豕額何攢昨日誰狂走今朝爾頓  
安從茲須自愛莫更損闌干

和葛景文

十丈高垣地團團遶棘柴青天縣紉涸黑洞鎖龍垂  
不以無窮變來榮有誰提壺向前去付鍾許渠埋  
每剖遺魚素翻思去鳥借真成秋落羽欲挿上冲骸

沈周先生畫

坐對雲霞坐行隨鷗鷺行已無烟火氣况有市朝情  
紅葉從書積青岑帶浦平世間那有此畫裡尚難成  
便欲招爲伴其如不可馮只將題詠處聊寄此心清

周山陰覲而歸縣

去歲膏車日今年入境時忽驚迎送事已隔夏冬期  
計上書應最官還俗更宜衣冠萬國會名姓一人知  
寵色螭頭被風塵馬尾隨經過鄉土地信宿舊園池  
念節知行久兼程覺到遲山溪縣故德街市喜新儀  
山上孤亭接城中片水圍衙從鏡裡上屏借翠微支

樹古無巢鶴亭空忽過麋非緣耽寂寞自是不留羈  
著述書成卷從橫筆遍題撫綏稱衆母學術本吾師  
校藝俄矜短憐才或許竒君乎每提耳某也敢揚眉  
感遇悲無命輸忱賴有詞惟將千仞惠都付寸心馳

抱琴美人圖

身去盼猶轉抱琴何處來定知清夜裡去聽長卿回  
細細腰宜舞輕輕步懶催睡濃粧畧淡性慧相多猜  
眉下波含柳顚心風落梅對人蓮欲語袖手藕藏荻  
浣水傾吳國爲雲到楚臺帶飛脩曳縞珮響細衡瑰

綠帳愁單掩朱唇似善詠冰絃寫離怨洞閣遠誼歷  
曉戶玲龍啓春花次第開相將折芍藥掩映過莓苔  
蜀國倡嬌薛河中色妙崔試將同佇立正慳兩徘徊  
宮髻髮一尺明珠環兩枚自然宜淡掃故不畫烟煤  
或薦珊瑚枕如傾玳瑁杯息芳將近近粉膩愈皚皚  
按曲迴成雪徵車響軼雷翟衣真帝也苻菜合悠哉  
箜篌傳麗玉琵琶伏善才何如鼓流水真若遡沿洄  
別鶴引如弄求凰調轉哀有人於座上柰爾隔屏隈  
採藥人聞阮遊僊者姓裴不言偶襄漢定說見天台

巧笑金難買多香玉借胎繡穿新樣領綬結古文壘  
皎似珠遊浦清如露滴槐採花棚上竹闔草砌隅臺  
約伴携雙手懷人在兩腮鴛鴦何處覓鸚鵡有時接  
增減俱難中短長元自該趙妃宅裡妹宋玉里中魁  
宛爾凝如望嫣然乍可畏臨波卽帝子食肉亦蓬萊  
懊惱思金谷闌干哭馬嵬流波與流態今稿復今灰  
絕代誠難得瑰姿理莫推如斯落魚鴈母乃夢蛇虺  
俠客氣何壯佳人棄若憤將來換駿馬期在得高駮  
艷冶非不愛縱橫良有材從他形裊裊不戀志恢恢

湊兩難爲聚爲屏併作愧

失三韻

莫道曲中雅由來色並財又知刮心鏡不必瑣門櫻  
自惜能勾抹無勞爾待陪麝香新熟餠獸鼎舊安能  
茲畫何人染錢塘添子裁拂暎驚臥榻助腕汲新醅  
持過西陵下因啼蘇小堆青松惟下鳥紅頰已成煨  
潮長日初及春深草漸萋山家時噉犬捕雉又張罨  
上下鳧鷖沒擎拳翡翠毳物華迅流轉顏色總塵埃  
處女元吾守明時肯自媒有時求柱楠不信舍徂徠  
忌嫉生宮闈芻梁飽鴛胎稭聞饑婉戀不見斥虺虺

戲論摛多韻談虛遍九垓性空色不着養致體逾頽  
既已成圖畫其何忍剝摧屏圖裝已匝花月任爲災  
書舍蕭蕭影竒花一一裁對卿長比並願彼獨澆培  
風颯羅帷裡蟲鳴玉砌陔此時漢武見又道李魂迴

丁卯六月十六日五鼓夢一憲公更訊予獄予

頗懇乞且歷數古人事憲公乃取片紙手畫

一白犬從雪中狐作題且曰汝賦得十韻卽

止予賦得十二句而憲公逡巡起予亦覺半

忘矣今續成之夢中所記者秦雪覺無擬鷹  
呼二句亦強真夢中語也

太白高秦雪材官選漢都西契非遠物冬符是雄圖  
冰澗蹄蕪滑花銷毳結酥逐方餘狡兔烹豈遽歸廬  
羽搏紛迷素毛燐慘共跡一聲非日吠萬壑徧鷹呼  
馳影爭飛霰躡身印守株窮搜寒愈急東尾暖微濡  
固取矜獨還宜解網罟莫教將耿雉文錦碎糝糊  
先除夕二日雪甚如嬰兒拳次日迎春

臘盡接春將孤眠枕被涼朝翼驚六出午晏俛千室  
兀坐愁空甕群栖塞壞墻搏酥幾鶴卵絮柳未鶯黃  
堪取爲鉢打行看挂霜僵明年從大有連歲却餘殃

見說開元寺重新古道場一髡擔化主十殿啟閻王  
猶記迎春昔長顏此地觴解姬捐誕馬蠻子襖綿羊  
樓角嬌波聚亭椒嫩采粧百壚忙酒保四郭擠村娘  
獸園攘牛土蟲枝試鳥簧不知今日賞還有此風光

畫坐草栗鼠

鼠有能跳者名因嗜栗傳兒童袖裡串松檜頂尖懸  
寫躍難爲逸描蹲易犯妍脣肥隈草爨尾大刷瓜圓  
叫喚孤雌別銀鐺舊伴牽坐思禁一飽暨產大如拳

電

列缺儼睢盱緋冠絳袴雷礮鮮舌哆烟焰漲天噓  
侍從排焦額槐檀塞大虛光中藏栲栳麥處借旂幟  
鷄吐朝官綬龍逢海豨驅阿香開鏡數玉女笑壺輸  
好作王戎眼休燒李勣顏滅明難捉摸搜索愈逃遁  
或見焚鱗尾徒聞遶斗樞金蛇穿雨劃赤兔駕雷屠  
煨燼乾坤赭飛騰日月徐閉門遭斧鑿馮塔養蜘蛛  
鐺斗何工煨硃砵若帑儲旱乾於閃魘冬蟄伴泥豬  
萬尾穿如瞰孤窓熱欲糜淫威神鹵莽僥倖鬼柳榆  
昨夕狂傾潦群靈儼聚誅彌霄紅落燕馨海白跳珠

但劈梧桐去何曾打卽且雷火如燕夷堅志

### 芭蕉花

芭蕉種四年華葢發茨檐玉蘭爲媵娣木筆是曾玄  
十一帑蓮菖尋常類馬肝坼難劉海蚌瓣厚落河蚶  
香色無非歛蜂胥有自間古粧蠶婦出立馬使君寒  
春久枝俱杲霞長鴈正還寄書蘇蕙老挾扇婕妤辱  
我昔南過嶺蠻多種在田實甜藤俎上絲冷葛機邊  
和荔燒天紫同柳蓋毋尖別來頰屈指禿後止餘顛  
不道孤亭畔言抽徑尺圍逡巡無術致描寫恨才慳

太華尖崩半平原頽脫剝鹿遮樵者夢魚沉美人丹  
苦少榴枝泛珊瑚奉倚欄

### 送楊會稽

東南竹箭地江海芟荷鄉只道來鳧鳥那知下鳳凰  
瓜期今正熟棠蔭已堪涼主少須端士時清在諫章  
璽書寧許濫天語慎徵良灑氣偏嵩嶽賢人必大梁  
今爲會稽牧好拜掖垣郎白筆銷冠銳青梧出瓊長  
趨蹻交鴻隊可否袞龍傍喔喔鷄麇漏熙熙鶯警霜  
飛囊晨映皂請紙月繁張固是承明地還思舊理疆

徐文長三集 卷之八  
甘霖分滴洒劇愠解還方憶昔爲漁肉相將爛鑊湯  
西河徒泥跡東海孰矜詳篋刃寬牛鬯開籠放鴈翔  
餘生偷一日感淚積千行勺水喁乾鮒殘羹活翳桑  
買絲將作繡刻木且焚香旣解寧禁縛原枯詎耐煬  
蛛黏易罨蝶蟬薄不堪螳聞道轅將引那能策不揚  
望塵餘馬尾剝腹幾魚腸榴色浮空焰葵心竟日芳  
微悚如蔓草一夜遍錢塘

壽徐山陰

僊今雙鳧日新皇萬曆年華辰元旦啓上瑞曉虹躔  
岳氣生維翰星精感大賢石麟空夢習玉矢祖孤懸  
生以乾坤淑蕪之世裔緣偉長鳴共喙孺子翼雙鸞  
射策收黃紙提符擲墨綬豫章元柱國單父且鳴絃  
寇老臨河內黃公在穎川鳳凰他界少猪子某亭痊  
稅駕食風露除騶度牯犍菑畚揮策問荆棘側靴穿  
默默如無事孳孳急所先鳴鍾模白鹿冒鼓講藍田  
授簡諸生讀傳燈幾聖詮萬言珠自貫一字玉堪鐫  
別有神明閔那堪擿發玄崔蒲無一孳樗博斷銖錢  
別路緣男女端風及黛鉛投桃羞好也倚市罷媯然

全邑膏俱潤微軀渥更偏幸憐諳鳥語得免爨牛牽  
豫讓知能感侯生老却虔自慚徒白首何以報青天  
椒醴霞千掌梅花雪五圓南山天柱是助獻有臺篇  
子侯芳園王瓜駢秀傳聞遠邈快覩咏歌附驥

非才續貂聊漫

老後圃聊便栽蔬夾芋田壞轡牽遠井破屋傍隣椽  
脫帽當茶竈持剝掘笋鞭忽來新莫逆幸忝舊忘年  
却說渠家圃如承帝眷倦瓜雖非五色蒂却領雙圓  
杵向秋砧挂旒添曉纈縣轡胎咽并紐蝓尾鼻俱穿

自是生成偶非關造化備瘦孤羞杜預面對儼庭堅  
未羨三眠柳那論並萼蓮嬌苦濃鬢銷淺黑撥針綿  
花謝知誰後藤升許孰先客歡浮白賞婦喜用紅纏  
野鼠分行抱墻蝸別隊綠霜時爭畫捲月令特書傳  
楊尹詩幾首柳州表一聯合歡光簡策內履慎周旋  
駢拇從來賤重腫自昔憐馮他間信校何處定媿妍  
太僕寄謝布政詩

翠栢方添色紅薇復盛姿名藩雙岳峙高望七星巍  
渺渺長江隔迢迢曲岸迷秋濤移雪迺夕露散珠規



正值懷人候難忘握手期徒依棠樹舍漫詠竹枝辭  
陰德于廷尉平反雋不疑曾爐寒燼烟蕪荷大鈞私  
小榻寒蟄砌長竿赤鯉陂優游聊卒歲悵慕每移時  
一鴈凌空度繁霞傍日馳天西夕陽處翹首角巾垂

宴游西郊詩有序

借飲寺人之園

去郭不五里有名園焉喬木蔽空流水遶砌  
望之如錦屏幾折而花躡就以携尊亭兩區  
而翬矯迨若玃泉壘壘貫珠蔚矣蒼蘿飄飄  
結幄鳴禽調管半是黃鸝飛蠅怯水全披綠

蟻待群公而未至適微興之孤窘一白屢浮

爰揮紫兔雌黃無事聊就黑甜乃若蒟醬木  
筍之云無非實事朱卿侯家之引並非虛言  
舉其尤者他可知矣園樹有白櫻桃

艾候當龍舫萍蹤集鳳城凌晨催邸飯乘暇出郊行  
短短蒲抽玉交交鳥弄笙辭幃排擁蔽並馬得崢嶸  
碧岫紅雲幻磁壺白雪擎候賓賓未集願僕僕頻傾  
蒟醬何方至胡桃撲地橫騎龍排木筍剪虎綴冠纓  
綵扇臨杯寫蒲團就几馮甲蔬香百種根撥秀千英

齒昔含冰腦櫻桃滴水晶胡蜂俱仰窠家鷓半棲薨  
熟果從枝摘穠花得葉清看餘錦綺色聽斷鞦韆聲  
買竹金千鎰温瓜火一星鈎彎遲挂魄流曲擬蘭亭  
菱藕堆盤雪蠅蚊避席水江南渾縮地塞北總怡情  
折簡招群彥聯床勝百朋來希主情懶別易客心驚  
折柳條餘幾牽衣淚鎮霏舞腰寧自賞歌曲遲儂聽  
日炙嫣紅袖風狂散綠芹盆供春色蒲簟展晚涼迎  
茉莉簪紗帽玫瑰裏醞觥習池淹席幕金谷較輪贏  
可惜朱卿去偏當赤地晴錦帆風不進王擘月誰賡

祇悶當蘆發頹軀倚樹撐長空生咄嗒悞緒付娉婷  
得意才俱雋相如賦擬成吹噓真俗話放浪自浮生  
毳透飛明月山來匝翠屏歸雅分樹掠饑馬望芻鳴  
入郭斜榆影迴鞭指柳管候家銀燭朗客座綠簾明  
貝葉書難譯蓮筒吸判醒轄沉驚座臚樓迥景陽旬  
朝馬搖鳴佩升鳥影蓋櫺百川如變海重此醉長鯨  
送某人之台州 前歲台蜃群發水壞其城

何意蓬萊客更爲滄海僊驅車出剡曲接境換風烟  
共悵留難得猶欣境尚連往來仍取道疾病尚分憐

講約傳鄉學居人讓訟田片言空畫地數口飲流泉  
此去嘉山水還臨郡几筵寒山騎馬訪阮肇入花延  
梁跨空中石霞銷雨外天金聲出賦裡秋色到衣邊  
海白魚鹽熟霜紅橘柚鮮前年愁屢徙今日喜鵬遷  
自入同魚食曾津賜堯延南冠琴兩奏東海旱三年  
木吏愁難對波臣稿欲穿子公將雨去耕者訝虹懸  
白叟交扶杖紅粧正採蓮誰能還蕩槩忍不悵投錢  
泖泖亭長短雙雙騎後元但教驄馬使莫着別時鞭

張氏子黃鸚鵡

號可金公子名堪雪女郎時非前代李

二鳥皆籠屬唐事

里人張細鍊利條錠類教祝帝王翻成髡着藉枉以  
菊爲裳銅雀辭曹操金鳥別始皇化爲儂兩鬪飛出  
土中央預夢尚難避倅烟其可防生無慚褐侶死好  
刻檀香俗客茶慵喚山人果許將楊童使者王李泌  
聖人傍到處因緣短來時道路長主人卽相放何處  
是家鄉

又

見說黃鸚鵡西來自氏羗色今分間正天與改文章

竟奪春鷗羽全爲漢鵠翔能言猩敢並借染蜜初房  
稍挂楊絲亂聊聽菊瓣張金釵翹衛女紅豆惹蕭娘  
惱燕依人紫愁鷹掠兔蒼香拳間鏡爪妙影閃銅梁  
江夏埋詞客秦山問上皇赭袍雙映淺芳草一洲長  
夢兆呈妃子琵琶喚海倡性情胎戊巳音韻合宮商  
百鳥窺應噪孤鳳見必傷未能求一友差可哭三良  
老病渾如昨新聞喜未曾借看如可許香稻當茶湯  
後聞鸚武眼系直度兩眶人可洞視

雙瞳穿腦過對面兩菱花琥珀鑽松竅琉璃釘扇紗

隔顛孤碧烟橫準一梁加飲啄千峯物雌雄萬樹家  
回頭忽不見交睫夢成賒摩盪晶初日玲瓏射落霞  
照拳明燄腦夾喙影姜芽戀月睚寒暈啼烟淚澁沙  
端州鸚鵡研蠻郡石榴砂脾睨雄生怒迷離媚作邪  
傾城秋水願阿堵虎頭誇認客休青白鬚光混瑾瑕  
如憐蔡家女分鏡堊琵琶

陳玉屏以瓦窰頭銀魚再餉寒賦長律

瓦窰水族竒城市少能知軟玉襖波細柔銀映藻移  
無腸羞並蠚多刺欲嘲鱗眼漆針尖點腮沙劍首吹

粉搓寒蚓蟄飯擣小蛇追脉脉些鬢鬣條條橫涕洟  
雪蛆腔子縷霜鷺頂門絲入網拚身早提藍提尾遲  
死生他自決刀几爾何施海島田橫客樓臺石氏姬  
百軀爭殉主一朵苦辭枝野老久絕粒荒厨長斷糜  
齒牙今稍落骨鯁不相宜蔗藕如當舌牛羊必作詞  
音碧山有學士太丘無那支遺予瓦窑物兼以磁甕  
醯醢臥不知晚喚燈題謝詩

題宋刻絲蓼花立鳥圖

江上深秋景偏於蘋蓼月娟娟啼葉鳥淡淡入村烟  
生色渾疑畫微絲却是牽精時愁呂紀妙處失黃筌  
久挂方知定初驚只欲翮天孫無限巧乞與世人傳

徐文長三集卷之九

明會稽

徐渭

文長

著

陶望齡

周望

校

謝伯美

開美

商濬

景哲

陳汝元

起侯同校

七言排律

雜花圖限韻

天孫篋裡新裁錦  
蕙子機中舊織文  
何氏毫端新幻

臺灣國家圖書館 NATIONAL CENTRAL LIBRARY, TAIWAN, R.O.C.

出當年花譜定曾聞叢嬌映日融朱暈葉薄從風亂  
縠紋零落草臺宜襯馬輕盈楚岫欲行雲物情真僞  
聊同爾世事榮枯如此云誤引飛蟲來拂掠恍聞香  
氣去氤氳散如妬寵將粧競聚若和光與物群輦致  
舟航元異種春榮秋秀總同芬不緣蜀素丹青麗那  
貯梁園雪霰紛多謝主人招鑒賞爲題詩句答慙慙

上督府公生日詩并序

嘉靖己未秋九月廿有六日恭逢督府明公  
之生辰於是文武吏士及鄉大夫士若耆舊

賓客以公自鎮撫以來功在東南者實大且  
遠乃相與各抱其所有以爲公長久祝而公  
於今年春夏之交受諸道告捷之後奏凱

天闕戢兵海隅民物熙和甸宇清廓惟茲嘉  
誕適屆其時萸菊交芳天日俱朗旌旗應爽  
氣而彌肅鏡吹協商颺而並遠慶者雲集萬  
衆一辭比之往昔益爲隆盛某小子叨沐寵  
榮間嘗一佩筆操鉛以奉侍幕下雖愚賤少  
文不敢自附於衆人之後至於仰清光祝久

遠其心固無異於衆人也謹撰長篇一首凡  
百句奉伏門下以充獻壽之禮自知拙陋無  
所發抒然慕戀恩私忻喜盛事自不能已於

言耳

遠曙輕籠海色蒼涼颺新薦菊英黃清秋此日逢華  
誕繡褱當年遶異香地與人文增氣象天爲王國產  
禎祥壯猷未老如方叔秘畧曾傳似子房初捧兵符  
分虎竹再銜使命馭龍驤森羅島嶼諸夷會鎖鑰門  
庭一面當刁斗不傳人自樂牙旗欲動勢偏楊雄豪

定遠遙離漢寬大汾陽近在唐管領華夷新士馬掃  
平吳越舊封疆曾先突騎重圍裡親式鳴蛙大道旁  
已遣嚴兵營細柳更教長劍倚扶桑三承 寵錫恩  
何渥一受深知德愈光定有姓名題御宸每勤賞賜  
到遐荒千齡素質雙麋鹿五色奇毛兩鳳凰國有昌  
符臣協吉家承嚴訓子徵良田單下狄親鳴鼓姬旦  
居東久缺斨屢觸歆矣辭羽蓋轉巡郊野憇甘棠軍  
中作氣頻投石陣裡籌機捷探囊敵日轅門標大纛  
浮天水寨集餘皇雕弓並月名繁弱寶劍衝星出豫



章幾處名香迎馬首數群長鬣夾車箱量兼滄海涵  
諸島身作長城障一方萬里星辰羅址極百番貢道  
出東洋曹彬賜劍權偏重庾亮登樓興合狂引至偏  
裨堅誓約邀還賓佐據胡床鯨鯢久已封京觀翡翠  
行看出越裳詎止芳名流簡冊還將偉績著旂常功  
成淮蔡應趨闕路涉燕齊好待糧將相位兼勞出入  
君臣道合致平康山城令節茱萸發高宴華軒錦綺  
張日照花明諸樂作風吹帳啓衆賓藏鶴鳴流響聞  
天漢芝燦浮光到羽觴競取良辰占上壽復欣嘉會

嗣重陽樹聯月桂輝花萼斗近天河挹酒漿黑齒呈  
歌頌譯問文身獻舞傲專場地連玄嶠僊常集候傍  
黃鍾日漸長共以精誠抒華祝况兼佳麗屬錢塘鱖  
生本住山陰里浪跡疑乘海畔航城下釣魚懷漂母  
堂前結客憶周郎未逢黃石書誰授不墜青雲志自  
強抱玉已憐非楚璞吹竽那識動齊王幸因文字蒙  
徵檄時佩管臺侍瑣廊基履東西魚共麗戎衣左右  
鴈俱翔縣知陳阮時遊魏豈乏鄒枚並寓梁博採燕  
昭期致駿曲在宣父愛非羊衆人國士階元別知已

蒙恩心所量自分才難堪記室人疑待已過中行構  
成燕雀猶知賀報取瓊瑤未可償偶值高門掛弧矢  
且賡小雅賦桑楊却慚未協宮商調莫並當筵巧奏  
簧

督府明公新膺加脔

加太子太保左都御史一子詹錦衣千戶

連天滄海抱江洲節鉞東臨今幾秋早遣通儒招粵  
尉遠傳片檄到蠻陬寇當劇處連營破首若逋時舉  
族收萬里華夷馮控制一方文武備咨謀獻俘不用  
陳兵見對客頗聽借箸壽名將始知今亦有元勳豈

獨古難酬近啣丹詔恩何渥遙領青宮秩更優幕捲  
共瞻新換服旗開尚具舊縣旂春濤拍海風俱息夜  
柝鳴邊月正流建業旣趨功可讓太原未下賞還留  
蘭臺本取銀章縮鶴禁誰扶寶輦遊將帥併兼儲副  
託封章應掌百寮糾召公遺烈由孫顯曹璫英風與  
父儔世祿未延盟帶礪屬車前導護宸旒東山久已  
淹姬旦南服從來用武侯燕領果封終入漢皂占將  
錫定于周軍書羽集裁偏暇湖水米涵望盡浮翠憶  
行堤花遶樹錦箏停曲島窺樓幾年載筆承英盼四

海爲家只浪投授簡真慚稱記室逢人交慶識荊州  
追陪有分塵清宴著述無能付短謳卽擬漢家麟閣  
上看題姓字最高頭

奉侍少保公宴集龍游之翠光巖

命與沈嘉則同賦時方有

閩之役

樓船幾日下錢塘勝地臨江綺席張虎帳山開蘿作  
帶龍潭水積劍爲光芳自出船窓底妙響偏宜舞  
扇傍日映桅檣蕪樹密風吹綠竹裊雲長漁郎賈客  
停何事桂楫蘭橈渡不以暫脫錦袍懸翠壁忽袖彤

旌拂青緇開中國計籌能悉醉後兵符發更詳寶馬  
嘶羣行雜錦紅旗懸的射穿楊霜前下葉沙俱積雨  
後殘碑蘚更香野曠牙官分作冢林疎甲士補成行  
松杉借翠連幢碧橘柚分金映甲黃羽扇周郎臨赤  
壁輕裘叔子在襄陽庾樓無月人猶往郢幕開風客  
不藏遠眺非關鮑麗景維心先已到遐荒建溪露布  
風雷急淝水兵威草木揚却與從行諸幕士維舟九  
曲泛清觴

數年來南雪甚於北癸未復爾人賦謂南北之

氣互相換似買人帶之往來理或然歎邊塞  
不易雨而今每澄十九韻

陰陽址去隨南客雨雪南來自址天雨爛胡弓知幾  
歲雪高越瓦已三年偶狀盡海迷遼鶴不是登橋聽  
杜鵑吠犬從今無一處喘牛必問有諸賢明明日向  
彤霧暗杳杳璣籠紫霧懸羲氏輪膏埋壁屑滕公河  
水瀉銀錢銛鋒插戟包舞見深穿穿泉粉愈填萬里  
蕭條昏井邑千家凌奪大園田疑花宿誤群歸羽折  
竹直摧幾個圓鼻醋醃寒先慣吸羨鹽調劑未堪煎

傾危作兔當山頂搏控成獅向日邊借皎肥身灰象  
飽吹柔害物素猫拳綿針絮刺俱叢棘玉辦銀筒假  
淤蓮陽德盡闕閭闔上陰威直到祝融顛華亭羽翼  
漫天又上蔡鷹鷹獵野偏伍員江長潮正怒三閭沙  
白骨新捐稀如尸蠱穿雲去細似繩蠅點壁旋急舞  
魚鱗明扈跋繁遮蝗陣暗霄騫袁安臥苦僵猶得解  
緡尸埋醉可憐萬事豈俱埋得盡有時終露髑髏寃  
次夕降搏雪徑滿鷺鴨卵余臚而復起燒竹照

之八十韻

把炬循除立斷藜鴉驚彈雪宿印低終宵有許垂鷺  
伏片刻應能沒馬蹄一一劈分舒濶掌團團捲擲碎  
霜黎紅場盡海毬爭打白鷺橫江荻未栖朋屋塌簷  
支正急窺窻入竇倚相睽後飛輕薄高難下先引威  
稜導且齊隔歲窖藏猶霰電群兒想象入後猊辨觚  
出六摧桃李瑞舛過三黨稗稊博浪金椎徂擊遍彌  
天白燾殺機提鷲髡鵠赭吹毛盡竹哭梅啼到骨披  
穿重解深三窟兔侵多不剩一丸泥暗隨鵬翼長沙  
拍亮誤鷄司短曙啼仄儘挑殘寒夜火袍誰脫與故

人縋流蘇旣縞堪鈎挂粉的渾綿向鏡低風絮謝娘  
難可擬烟蘆娃客幾成迷公孫被襍涼如鏡子母蚨  
縉瀉若澌戩徑易漫塵散跡獵弓難放麝香臍巖俱  
周處南山額毳盡蘇卿北海氍鮫室百窓簾蛤蚌羞  
胡一國水玻璃饑脾苦逼長安罍酸鼻寒淒宰相醢  
葉尹如捐棺可玉麻姑未老海堪梯洪厓走汞流松  
外穆滿量珠賞竹西綠鬢取裁髻髻採金釵都換柰  
花鏡儒蓋瓦甕鹽艱糝俠噉屠門蒜太羈蝙蝠假僊  
搖石乳蚺蛇馮膽攪銀堤將紉作蓋俱成羽取綴爲

裘盡是麕鷹隼攫身功奪狗牛羊埋角罪歸懸軒轅  
鏡色飛橋頂歐冶鐔霜掣劍谿蕩樣乾坤成王合紛  
紜翳膜刮金篦楊妃暗粉玄宮發卓氏綦巾皓首齊  
此際胡雲黃浦塞當年梁簡赤曾題霽微未必清鍾  
磬酒急如堪付鼓鼙紅袖共斟將共若錦囊須佩却  
須奚寒郊瘦島吟成替收肉肥肌屏作閨漸離荆卿  
僵易水趙王代婢冷摩并瑤枝上漢叅雲霧銀鬣行  
天賂馱驄併是凌寒貞威相不同趨熱媚權桂親淹  
上國裘曾做眼見金吾騎總緹盡領熊羆供掃拂別

從雉兔較晉第高培蝥虻圍成菌柔做山毛嫩作莠  
肖慘睢肝夔罔兩塑嬌咽項女螬蟻糝塗恨少施肌  
髮刻畫爭先解佩鷗何事井噴煩蜥蜴祗馮陰焰颯  
缸霓瓠屨璀璨排媽齒榴子齟齬墮老靨解櫬紫駟  
鮮豹嶺俄穿翠褵化貂袿宮奩鏡暖因椒塗塞壁刀  
斜謝鵬鴉木稼怕官謠雜讖草乾愁牧馬頻嘶媧皇  
煉石膏猶漏帝女燒鉛杼懶擠凍雷尖持燕匕首明  
窓塵射魏刀圭睥睨釘斷千闌帶沙礫礮初令尹珪  
連日大酺粲儘掬傾筐堆帛取如携騎都爛漫糜羊

胃庖坦縱橫解犢脫燕頤不醒頰錦帳蛾眉邀醉登  
金柅即堪楚曲流宮徵必喚齊僖許滑稽蕩甲搖犀  
明練組長鷗大鏃拭孤鉞孤烟罷突真三日破釜縣  
臍僅一鷺水木騎羊來代逝滕封弄雨各訶詆心憂  
掘閱衣麻矣狂走芑闌帶悸兮婁爾黃腸洩鼎顛俄  
然白骨塋鯨鯢爲燈跋燭須臾滅沃錠消瑒頃刻齋  
公何蒼儀騰皓潔竟忘赤地混緇鷺隨颺過越迎關  
吠度葉爲花帶鳥棲蜂蚊誤猜堪蜜蠟清明纔斷正  
錫節西池萬里吹黃竹東郭雙定趺赤鞮想見穹首

鳴立圍親看牀足縮趺蟄恰妨青帝迎春伏

時近無  
立春無

敷朱炎病夏畦壓取剛條俱偃偃試尋勁草但萋萋  
幾時千仞消淒蟬何處雙桑赫海輓形虎似鹽盧晉  
姐調梅無味在商鑄蝗蝨未必沉三尺甲拆先應了  
一剗語夏冰蟲定恠趙襄冬日襖爭俟風偏助勢  
長成練月總輸光不到屣履薄有人愁墜谷乘危無  
盡上埋奎豈無黃道辜葵藿翻以丹心許蒺藜火急  
寄言青女道添霜啼殺伯勞兒

連雪後迎春憶舊十二韻

土牛一夕添神采，雨霰連朝妬客鞵。邀隊本期相跳躑，踏遊不暢只擠排。冰牢北斗璿璣溢，凍滑東郊仗引垂。老病似蟲吟華寶，少年如夢憶蓮渾。飛香塞巷堪經宿，立帽平簷別漫街。奪綵連毬追寶馬，爭梅帶雪上金釵。花房醉客樵朱鷺，水店壚姬饌紫鮭。小市溫淘槐盡葉，貴筵餅餌並初葦。蕭條邑里難如昨，想像風光未必皆。是處從今跌盡草，中央偏我立如柴。一鷗掩鼻真成笑，七字瞞心戲作俳。青帝祗今何處去，勾芒一似不曾來。

徐文長三集卷之十

明會稽

徐渭

文長

著

陶望齡

月望

校

謝伯美

開美

商濬

景哲

陳汝元

起侯同校

五言絕句

松林遊人盡

萬松屢微風，匏巴新鼓瑟。遊人去復來，正似魚出沒。



土牛一夕添神采，雨霰連朝妬客鞵。邀隊本期相跳躑，踏遊不暢只擠排。冰牢北斗璿璣溢，凍滑東郊仗引垂。老病似蟲吟，華寶少年如夢憶。蓮渾飛香塞巷，堪經宿立帽平簷。別塢街奪綵，連毬追寶馬。爭梅帶雪上金釵，花房醉客樵。朱鷺水店壚，姬饌紫鮭小市。溫淘槐盡葉，貴筵餅餌並。初葦蕭條邑，里難如昨想。象風光未必，皆是處從今。跌盡草中央，偏我立如柴。一鷗掩鼻真，成笑七字。瞞心戲作俳，青帝祇今何處去。勾芒一似不曾來。

徐文長三集卷之十

明會稽

徐渭

文長

著

陶望齡

月望

校

謝伯美

開美

商濬

景哲

陳汝元

起侯同校

五言絕句

松林遊人盡

萬松屢微風，匏巴新鼓瑟。遊人去復來，正似魚出沒。

題畫四首

墨竹杏花各二首

嫩篠捎空碧高枝梗太清總看奔逸勢猶帶早雷驚

二

當其尋丈節數寸蛇與蟬化工無筆墨个字寫青天

三

朶朶西施歷年年牆外窺莫嫌粧不澹帶酒未醒時

四

枝枝出牆語朶朶向人窺宋玉鄰家女施朱太赤時

扇中雙蝶

春至百花啟名園蛺蝶翻美人將扇撲得一隻痕

蜂

雙股粉黃籠飛遲趁晚風君王方課蜜不敢戀花叢

白牡丹桃花

桃艷比天姬花王富貴姿楚襄春日下閒坐選蛾眉

石榴萱草

不是來西域還應到海南已含無限子何用佩宜男

剪春羅垂絲海棠

美人睡不足春愁柰若何垂絲綠窓下聊爲繡春羅

石榴荷花

畫得荷花朶傍依  
海石榴西施夜浴罷  
催火照梳頭  
兩蝗蟲

深雪打茆茨  
飛蝗慘不孳  
無由苗上見  
盡取兩雄雌

叉羅蔔

圃內一鋤淺  
毫端兩詫深  
廣州初斷葛  
上黨未蒸參

回回馬二首

一幅回馬滾身

西馬入瓜沙  
風塵道路跡  
試言如此匹  
消得幾匹茶

二

西馬入玉關  
霜毛雪未殘  
莫教輕滾地  
恐損脊花團

毛魚作隊遊楚塘

作隊撼春萍  
雙頭寸未盈  
老漁暫相借  
江海幾長鯨

畫三首

小閣水澄澄  
開披玉檢經  
烟霞一抹盡  
金碧萬山橫

二

華屋石欄傍  
尊壘撲綺香  
春風寫桃李  
不是畫工粧

三

朱夏鬱蒸時  
晶瓜碧玉滋  
踈簾三尺雪  
小簾一枰碁

詠畫

春

春嬌最何物桃花與楊柳惹儂或有詩市遠那得酒

夏

城市或囂炎在野心不熱意欲施茶湯行人他處渴

秋

何處住高人但茅水上貼江濶香難尋過客指紅葉

冬

梅花一萬梢紅寺五十里天晚不到門雪深沒驢耳

江船一老看鴈群初起

警鴈避羅舫江長起去高眼折一餉後看到入雲梢  
似赤壁遊

一艇泛三人多疑遊赤壁無處少江山但無此好客  
雲山立觀者

遊客羨登雲雲亦荅遊客儂自不肯來誰曾拒儂屐  
石榴

閨染趨紅色衫裙尚正紅近嬌瓜子茜戩殺石榴濃  
竹染綠色

我亦狂塗竹翻飛水墨梢不能將石綠細寫鸚哥毛  
馮欄江岸

濃樹水紋砌何時匝竹闌遊魚敲可出過客好馮看  
對岸觀涯大瀑

瀑布挂江北望者江南猜雪花那不到霹靂過江來  
歇枰而俯江檻

江寺鳴鉢盂庵起候僧飯不及了殘棋推枰撲闌看  
獨釣寒江

大海有鯨魚五岳其鼻額任公釣不來煩爾一絲雪

閱書者倚老樹

爾自作蠹魚我不閱一字逢着好樹根抱着枕頭睡  
釣者翹首看山背浮屠

夏景禪寺

貪涼瀑雪餘歸去汗仍珠山背清涼寺如堪結夏廬  
長廊俯大水

壁韻良可題水廊亦堪屣屨江澗如許所少片明月  
雪景

此際山陰道啼惟有莫雅萬山無寸碧何處認梅花

魚鱗

夜窓賓主話穉浦鱗魚肥配飲無錢買思將畫換歸

杏燕子

玉京紅線斷樊素絳唇嬌好着穉鞦韆架其如不解描

馮竹答許口北年禮

羨鯉稻梁食沉思欲答難只裁殘拜帖寫竹當春盤

馮蘭與某子

僊華共號也

僊華學杜詩其詞拙而古如我馮蘭竹無媚有清苦

尖頭麻

身輕宜歇草頭銳欲鑽螺正苦毛錐乏如儂太軟何

蒲桃

聞道羗葡萄家家用醅酒老夫畫筆渴此時堪一斗

張氏別業十二首

鏡波館

鏡裡荷花館千穉閱鏡波縱教成陸地其柰旱蓮何

樂志堂

備言志所樂何關堂與基主人向我道但看鳥悅枝

徐文長三集 卷之十  
流霞閣

閣中食霞人絕無烟火色誰宰武陵鷄來作漁郎食  
竹塢

題詩竹塢中竹長時出垣誰能將鐵筆一畫牡丹園  
荔枝亭

客醉起復留還爲此亭坐舟子指河沉南城欲下墮  
白鷗磯

主人坐釣磯群鷗魚以雅莫學朱鷺來取魚食茄下  
青蓮島

小島含巨浸能滋花鬢開青蓮大如許跏坐幾如來  
小若耶

別沼分湖水因名小若耶水流有大小却一樣荷花  
松蘿門

白板映松蘿門闌已殊色况復月上時叩門來好客  
芙蓉選

大堤遶芙蓉渠平鋪三百步誰云水中花不惹陸行路  
浣花橋

鏡水及芙蓉相望不盈尺郎家浣花橋女家浣紗石

水墨軒

萬頃茫茫處開軒榻絳州水光自濕研不用汲池流  
桃葉渡三首

書中見桃葉相憶如不死今過桃葉渡但見一條水

二

憶渡桃葉時綠楊嬌粉面丈水五石泥好影照不見

三

憶渡桃葉時徘徊影自顧丈水五尺泥釵落在何處

六言絕句

村家飲

新竹已成蛇尾穩雲乍起龍鱗不雨空啼布穀兼風  
且脫紗巾

漁家四圖四首

小練乳兒紅袜斜陽曝網菁蘆但得同心夜浦不願  
嫁與穠胡

二

夏浦菱絲好織薄暮舉網初收鯉魚知重幾許換酒



可同醉否

三

漁伴網魚換酒漁婦把酒斟翁鄰舍不離水上對斟  
只在波中

四

今日凍膠漁浦且可然薪挈壺可惜不聞話蓬西  
定是樵夫

風濤拍天登招寶山下僊人洞飲眺僧海東洋  
指說觀音洞在下竟不得遊

五千眷屬騎獅八萬龍天驟馬分明佛在洋中誰道  
蓮花是假

二

倒海風搖地軸飛濤雪墜天球辜負山僧饒舌指與  
洞天不遊

列子御風圖

旬餘身在遙空一葉枝辭芳樹若教風歇青蘋試問  
人歸何處

徐文長三集卷之十一

明會稽 徐渭 文長 著

陶望齡 周望 校

謝伯美 開美

商濬 景哲

陳汝元 起侯 同校

七言絕句

贈呂山人

西陵渡頭纜水寒  
年年歲歲走儒冠  
不知天姥山中

臺灣國家圖書館, NATIONAL CENTRAL LIBRARY, TAIWAN, R.O.C.

徐文長三集卷之十一

明會稽 徐渭 文長著

陶望齡 周望 校

謝伯美 開美

商濬 景哲

陳汝元 起侯同校

七言絕句

贈呂山人

西陵渡頭纜水寒  
年年歲歲走儒冠  
不知天姥山中

臺灣國家圖書館, NATIONAL CENTRAL LIBRARY, TAIWAN, R.O.C.

後文長三集 卷之十一  
客十載關門傲長官

龕山凱歌

為吳縣史鼎菴

島夷歲歲理舟航入寇三吳與浙江分向沙洲知幾  
道將軍着處駐油幢

二

縣尉卑官祿米微教辭黃綬着戎衣賊中何事先寒  
膽海上連年數破圍

三

曹娥官渡帶鉤縈僊尉乘潮上下行砲石朝飛方斷

岬江天夜雪欲偷營

四

短劍隨鎗暮合圍寒風吹血着人飛朝來道上看歸  
騎一片紅冰冷鐵衣

五

紅油畫戟碧山坳金鏃無光入土消冷雨凄風秋幾  
度定誰拾得話今朝

六

七尺龍蟠皂線綠倭兒刀挂漢兒腰向誰手內親捎

得百遍衝鋒滾海蛟

宋時海寇名滾海蛟

七

無首有身祇自猜左啼魂魄右啼骸馮將老譯傳番  
語此地他生敢再來

八

旗裹金瘡碎朔風軍中吮卒有吳公更教廝養眠營  
竈自向霜槽餵鐵驄

九

夷女愁妖身畫丹夫行親授不縫衫倭衫無縫今朝

死向中華地猶上阿蘇望海帆

其地阿蘇山最高

嘉靖辛丑之夏婦翁潘公即陽江官舍將令予  
合婚其鄉劉寺丞公代爲之媒先以三絕見  
遺後六年而細子棄帷又三年聞劉公亦謝  
世癸丑冬徙書室檢舊札見之不勝悽惋因  
賦七絕

十年前與一相逢光景猶疑在夢中記得當時官舍  
裡薰風已過荔枝紅

二

華堂日晏綺羅開  
伐鼓吹簫一兩迴  
帳底畫眉猶未  
了  
寺丞親着絳紗來

三

筵前半醉起逡巡  
窄袖長袍妥着身  
若使吹簫人尚  
在  
今宵應解說伊人

四

聞君棄世去乘雲  
但見緘書不見君  
細子空帷知幾  
度  
爭教君不掩荒墳

五

掩映雙鬟繡扇新  
當時相見各青春  
傍人細語親聽  
得  
道是神僊會裏人

六

翠幌流塵着地垂  
重論舊事不勝悲  
可憐惟有粧臺  
鏡  
曾照朱顏與畫眉

七

篋裏殘花色尚明  
分明世事隔前生  
坐來不覺西窓  
暗  
飛盡寒梅雪未晴

內子云十年其家以甥在稍還母所服潞州紅

衫頸汗尚泚余爲泣數行下時夜天大雨雪  
黃金小紐茜衫溫袖摺猶存舉案痕關匣不知雙淚  
下蒲庭積雪一燈昏

將入閩方許二君餞別分韻

萬丈高城控井闈誰家池館隔江津勝筵不用扶紅  
袖楊柳芙蓉擁醉人

凱歌二首贈叅將叔公

戰罷親看海口晞大酋流血濕龍衣軍中殺氣橫千  
丈并作龜風一道歸

二

金印纍纍肘後垂桃花寶玉稱腰支丈夫意氣本如  
此自笑讀書何所爲

望夫石

海天萬里渺無窮蘊草春花挿髻紅自送夫君出門  
去一生長立月明中

宴遊爛柯山

萬山松栢遶旌旗少保南征暫駐師接得羽書知賊  
破爛柯山下正圍碁

偏裨結束佩刀弓道上逢迎抹首紅夜雪不勞元帥  
入先禽賊將出洞中

三

羣兇萬隊一時平滄海無波嶺瘴清帳下共推擒虎  
將江南只數義烏兵

四

帷中談笑靜風塵只用先鋒一兩人萬里封侯金印  
大千場博戲采毬新

武夷山一線天

雙峽凌虛一線通高顛樹果拂雲紅青天萬里知何  
限也伴藤蘿鎖峽中

入武夷尋一線天道中述事二首

行渴得巖壩  
乞茗

花落花開隔水津棧梯茆屋總堪鄰扁舟若不尋歸  
路便是武陵深處人

二

乞得瓊漿一碗新沿溪行盡渴生塵雲英只在桃花  
下不肯呼來見外人



雪中訪嘉則於寶奎寺之樓店

山徑尋君重復重小樓百尺臥元龍  
安窓偏向梅花角去映江天雪數峰

至歙寄方阜民公子

弱冠曾從泮水行今來已是老門生  
不知舊種祠前木幾葉叅雲拂太清

凱歌四首贈曹君

曾從幕府事南征羽檄傳來急似星  
報道叅戎深入處當鋒還有一書生

二

同時操筆總紛紛先着新袍獨數君  
今日江南浮彩鷁他年塞北戰黃雲

三

文士爭雄武藝場桃花馬上撥金鎗  
試看古來懸印客那取霜毫一寸長

四

賊騎如雲鳥不通突圍攬陣屬先鋒  
橫腰金帶綠何得爲報將軍第一功

南浦橋

南浦飛梁百尺遙雲收不去霽虹驕長蛟子母休吹浪何代偏無周處刀

七里灘二首

百番獅象一溪洄一頃銀光萬箇頭水石何緣能有此星辰盡夜殞寒流

二

淺水磬頭蘸幾堆清涎齒縫破生梅行舟欲過從何處無數游魚磕額回

答謝太興海門

值秋試罷入京

江上芙蓉千萬枝交花結葉弄穠姿片帆此日江湖去怕接郎官送別詩

武林館中與徐仁卿同宿因贈

徐號天峯武義諸生也徐千斤

樓上張燈倒瓦卮自居東面喚人陪須臾據案盲兵事駮帽偏欹橫兩眉

二

近來選士愛軀長共說君家貌不揚醉後忽呼高枕睡虎頭斜倚黑繩床

徐額骨似虎

後不...三集...卷之十一...八...  
三  
自造提刀偃月文諸工圍煨燂吹雲當時試舞猶嫌  
薄鐵欄連環六十斤

四

海中黠盜計何勞羅拜庭前嶺月高財出錦繒還未  
獻一時叱咤夜深逃舊在海首持繒夜遺徐叱走之

五

長說邊關好試材幕中進止自須裁連宵一騎重圍  
裡不見鈞州王秀才時王邦直爲北虜所害

東池觀魚

南舟北馬不相得北兔南魚各自潛今日中流看水  
獵絕勝馳射天山尖

寄趙君

時將買妾戲贈之

誰家女子別爺娘繡轎珠簾一片光轉到門庭怯夫  
婿任教啞啞味催粧

二

嬌羞偏逐見時生郎爲新人出戶迎一道苔階鋪蜀  
褥兩行花燭映金屏

三

宮髻一鬟堆燕雛胭脂兩朶暈紅酥三千僊子雲中  
有十五吳姬天下無

四

司馬相如賦本工文君王面貼芙蓉只今才貌都相  
似祇有彈琴事不同

五

土孫姓趙好門楣空有文章未遇時便把真珠量幾  
斛買將紅粉共羅帷

六

妾住錢塘路不遙每携姊妹看秋潮爲郎遠渡桐江  
水女伴雙雙不可招

贈醫僧

窓含絕壁從天落門遶長江入海流手縮藥囊醫世  
上前身可是藥師不

錢塘王閭川

別後長鬚已皓然重來湖上放湖船不能一日陪清  
話真愧相知十五年

次王先主偈四首

龍溪老師

法高不用十分多一尺還君一丈魔  
自己國王降不伏九江何用遣隋何

二

燒鍋煮飯問樵公見放青山採不空  
下嶺何曾挑一擔脊梁當背枉穹窿

三

不來不去不須尋非色非空非古今  
大地黃金渾不識却從沙裡揀黃金

四

大如平地起樓臺細即晴天日出埃  
兩物拈來不堪比分明浪逐浪催來

題近泉和尚卷

方諸取水月光寒非月非珠非是盤  
何處流泉遶君舍君于此際作何觀

禪房夜話和韻書付玉公

一月真時月月真何須種種別前塵  
禪房昨夜燈前話誰是客人誰主人

折桃花

誰家桃樹倚西隣  
摘下還存樹底新  
日暮挿頭過市  
上踈踈數朶頗宜人

徐濟之携新婦侍親揚州

初縮同心結尚鬆  
那堪波浪度江風  
華堂一入姑親  
道新婦揚州芍藥紅

送丁子範

時予方入武夷

君去高郵是壯遊  
風吹樹葉綠嬌秋  
歸來佩劍不須  
脫尋我武夷山上頭

夏相國白鷗園二首

白鷗池水拍天平  
相對瓊樓入太清  
試問歌臺生草  
處當時曾許外人行

二

詞客登臨信筆裁  
每於花謝笑花開  
請觀世上看花  
者曾見花開不謝來

竹枝辭二首

風前燭焰片時紅  
馬首西時馬尾東  
兩隻鴛鴦睡不  
醒一隻相思愁殺儂

籠中鷓子不得出籠外要入將柰何一邊蟲粘蜘蛛網一邊窓打撲燈蛾

武夷道中嘲嘉則墮馬

沈郎多病瘦腰支跨馬登山怯路岐馬上如何忽不見見時惟有一身泥

開門送別

送別開門日已西自將光景比烏栖平生不解依枝宿今日翻成遶樹啼

程君索寄其師周中陽

踏雪吳山遇一人自言師者是真君將詩欲寄憑誰寄天上青鸞海上雲

予自浙抵新安登齊雲還浙道中旅館頗多奇景而不成一字至衢自嘲一絕

繫馬梅花素酒時溪山遙映酒家旗何爲每到堪題處不解吟成一字詩

寄徐石亭

聞道名園盛牡丹豪家歡賞到春殘自憐亦具看花

眼種菜澆畦不得看

乙丑春正月廿有四日與其等携觴俎探禹穴  
就十峯山人馬丈飲于小園林卉雲繁索得  
海棠秧二本穿籬過別畦又掘竹母數根而  
去時薄靄滃生山翠欲滴衆客怖雨輒爾拂  
衣  
春來携酒醉春蘿乞得春花一两窠不若取將松竹  
去成陰留待主人過

漫興三首

昨夕書邀赴綺筵朝來臥病客窓前自知一飲猶無  
分那得雙飛更有緣

二

方朔慵多擁被眠飛瓊盡日侍芳筵想應昨夜瑤池  
上玉手持杯未便傳

三

眉借春山臉暈紅文君何必定臨邛相如已老無情  
思只聽彈琴續席中

送陸子之閩



羨爾寧親向百蠻扁舟日下萬重灘經過舊路吾能  
說雪浪屏山畫裡看

獄中書扇寄葛景文

賞音博物推華煥死結生交有范張已許筵中赴鷄  
黍何時獄底掘干將

鏡湖雙逸詩

鏡湖堤邊雙逸民乘烟弄月水粼粼却今白首南冠  
客羨殺青蒲把釣人

留別倪子

小門一徑柳垂絲簾下垂裾話別離却問歸來是何  
日海榴如火燒高枝

天目山三首 一在觀音二三古松大者至八抱

錢羅漢已燒成塵瓦鑄觀音又一新見說前村披木  
葉青裙夜降紫姑神

二

赭錢青銅凌紫烟能為人語向人間二千年事說不  
盡夜夜青溪勞往還

三

臺灣國家圖書館, NATIONAL CENTRAL LIBRARY, TAIWAN, R.O.C.

斷壁孤杉四十圍不關雨雪陰霏霏  
荆南一國痴螻蟻長恠曾無白日飛

陰去聲

南海曲

一尺高鬟十五人愛儂雲鬢怯儂勝  
近來海舶久不到欲寄玳瑁簪未會

嘉則擬紅衫四貌

春郊走馬東山擁伎秋江把釣高樓對雪

春郊大堤無盡頭沈郎走馬着紅裘  
迴鞭故遣穿楊柳衝落楊花撲紫駟

二

道人道帔剪輕霞醉臥青樓小妓家  
小妓紅衫何處買同是南京杏子紗

三

戴進不得武英收爲抹勾漏絳釣裘  
若使今朝逢沈四真成伯樂哭驊騮

四

高樓一袖錦毛梭萬玉屏圍紅叵羅  
雪裡茶花儂似否急催滕六剪銀河

燕京歌

人云斗牛眼甚惡最嚇人

西北池中有斗牛人傳一挂一時收要知不是凡鱗  
介只看眉潭白兩毬

二

繡人須樣繡新裘爭看池中活斗牛及至見時無脚  
走各綳紅袖急遮頭

三

斗牛何處見英豪奪眼令人膽不牢及問當年親見  
者只推霧裡見分毫

四

簫后梳粧別起樓太湖石在水空流而今樓瓦飄零  
盡只乞中官看石頭

五

綠樹連雲撥不開忽扶黃瓦出樓臺隄長水闊三千  
丈一日惟看一殿回

六

千里馬來自西南夷館 朝廷鎖鑰屢幾回欲看無  
由看墻外聽嘶出屋檐

七

貢來獅子看曾直養在西城十四春更欲乞看云不  
可昨朝攫碎菜園人

燕京五月歌四首

石榴花發街欲焚蟠枝屈朶皆崩雲千門萬戶買不  
盡剩與女兒染紅裙

二

竹黃如稿少鮮妍一叢五竿一個錢賣與人家那不  
貴湯澆火炙過冬天

三

葶薺菱藕賤如柴竿蔗年來漸亦栽百貨百珍俱得  
到却無一個荔枝來

四

燕京百事且休憂但苦炎天道上溝近日已聞將掃  
括不須遮鼻過風頭

送張君之三屯

蕙仁酒濃湯泉春盤山之景更絕倫野人長見遊人  
說君若歸時說更真

聽段道士彈琴却爲其師雪峰者請作

段師彈琴吟水龍風來萬壑響寒松問渠指法從誰  
得云自燕京陳雪峰

自馬水還道中竹枝詞四首

李君以紅拂一柄見贈而送別而悲

者正執拂人也古樂府黃禾起羸馬

將軍愛客侍兒知送客山頭也解悲莫認花低將蝶  
惹要知草偃是風吹

二

灣灣曲曲幾山溪眼眼腮腮淚落絲立到馬遙人影  
沒更誰知爾下山時

三

高高北斗鵲河縣今日雙星會隔年皂帽紫衣奔不  
得空教紅拂伴人眠

四

遍地黃禾起馬羸高山神道有靈威遼東必婦辰粧  
罷去問征夫幾日歸

乘霽自福田遍歷善應翠微洪光大悲諸招提  
翠有石洞西夏僧兀坐其中自言至此可六  
萬里齋罷擬遊西湖輒止

禪槽養馬似支公控馬長鬚鬚插紅却說看山須露  
好昨宵濕馬費梳鬚

二

西湖莫道只山陂總是 君王鴈鷺池秋水蒲堤平  
似鏡一行白鳥啄魚飛

上谷歌九首

少年曾負請纓雄轉眼青袍萬事空今日獨餘霜鬢  
在一肩輿坐度居庸

二

居庸卵石一何多大者如象小如鴛千堆萬疊無他  
事東擲西拋只蹶騾

三

支金削壁抱重關併入江南洞壑看既去高天邊飛  
鳥更供詩料到吟鞍

四

遙憶前朝已巳年 六龍此去未南旋黑雲敢作軍  
中孽莫恠區區一也先

五

八達高坡百尺強  
連大漠去荒荒  
輿幢盡日山油  
碧戍堡終年霧  
噴黃

六

個個健兒習戰車  
重重壁壘鐵圍餘  
儘教上谷長千  
里只用中丞兩臂遮

七

塞外河流入塞馳  
一般曲曲作山溪  
不知何事無魚  
鱉一石惟容五斗泥

八

昨向居庸劍戟過  
今朝流水是洋河  
無數黃旗呵過  
客有時青草站鳴駝

九

橐駝本是胡家物  
拽入人看似拽牛  
見說遼東去年  
捷奪得千頭與百頭

宣府教場歌

宣府教場天下聞  
個個峯巒尖入雲  
不用弓刀排虎  
士天生劍戟擁將軍

早度銀洞嶺

銀洞高高嶺百盤峯巒插筓倚天班馮誰喚起王摩  
詰畫作賢人曉過關

胡市

千金赤兔匿宛城一隻黃羊奉老營自古學碁嫌盡  
殺大家和局免輸贏

邊詞廿六首

並客燕時到馬水口及宣府之作

四壁龍門鍊削圍枉教孫艾暴羶衣莫言虜馬愁難  
度即使胡鷹軟不飛

二

牙兵個個是熊羆別選奇才養作兒試看陣雲穿急  
處一團蜂子擁人飛

三

墻頭赤棗杵兒斑打棗竿長二十拳塞比紅裙爭打  
棗江南白苧怯穿蓮

四

立馬單盤俯大荒提鞭一一問戎羌健兒只曉黃台  
吉大雪山中指帳房

五



十八盤山坵去賒順川流水落南涯真馮一堵邊墻  
土畫斷乾坤作兩家

六

大虜驕豪只數黃壇鄉無處不紅粧近來駝馬因灾  
耗醬日牛羊用谷量

七

黃酋墮馬已成禽漢卒爭功被脫身魂魄至今留黑  
石堦齏運歲落魚鱗

黑石堡所禽地也  
得其冑上之朝

八

八里庄兒一堡中銀鏢小杏墜腮紅粧成自不撩人  
看起莖黃芻餵鐵驄

九

休屠歲歲祭金人怕殺牲邊雜漢槍偏許老巫收顧  
八識將名字與橈槍

胡於漢人雖親貴甚祭禱  
則不及其名獨許一顧八

十

藁街徑尺一顛髻此是遼東速把孩輸與邕州老酋  
長金龍衣底混尸骸

速把孩大酋也死于入寇之  
戰久始知之邕州謂農智高

十一

葛那頸險斷胡刀  
驀手攀頰按得牢  
歸向鏡中嫌未  
正特搓過左一絲毫  
葛那宣府之降胡

十二

沙門有姊陷胡娃  
馬市新開喜到家  
哭向南坡羶帳  
裡領將兒女拜袈裟

十三

漢軍爭看繡襦襦  
十萬彎弧一女郎  
喚起木蘭親與  
較看他用箭是誰長  
此下六首並俺答甥女事

十四

長纓辦取鎖嬌嬌  
馬上織腰恐不牢  
好把鴛鴦鞞上  
腦倩誰雙縛馬鞍韉

十五

女郎那取復梟英  
此是胡王女外甥  
帳底琵琶推第一  
更誰紅頰倚蘆笙

十六

老胡籠向一人多  
窄袖銀貂茜巨羅  
迤與遼東黃鸝  
子側將雲鬢打天鷲

十七

汗血生駒撒手馳况能粧態學南閨欸將皂帕穿風  
去愛綴銀花綽雪飛

十八

姑姑花帽細銀披兩靨腮梨洒練椎個個菱花未離  
手時時站馬上胭脂

十九

衛兒相法合虎眉本是封侯萬里姿手把龍韜何用  
讀臂縣鵲印自然垂

二十

門外猶疑鐵騎封當年曾此縛龍逢世間第宅知多  
少何事風波惡此中

二十一

曾見思歸數寄書忠魂畢竟滯邊隅可憐一斗長弘  
血博得墻圍柳數株

右二管過沈光祿宅及拜祠

二十二

剪子高厓五樹松橫拖鏡板夾西東中間一線通人  
馬遠處看來密似縫

二十三

十八盤南甃沸湯燕京樓子待梳粧當時浴起蕭皇  
后何似驪山睡海棠十八盤山有湯泉云是遼后浴處

二十四

邯鄲才人似花枝嫁與遼東廝養兒懶向樓中拈粉  
絮解從馬上寄征衣守馬水者遼東李寧遠之子家卒敢死婦有秦風

二十五

黃鼠白脂捷遁逃夜猴搏鼠捷於獠將猴比鼠無多  
大自古鐘麋怕皂鵬

二十六

西山一帶一何高萬卷千稜挿作刀寄語胡兒休驪  
馬恐將高鼻跌成坳

長干行四首

王人夜夜板橋灣金盞蕭郎隔水看不分踏樓騎鳳  
脚偷來橋外立紅闌

二

木蘭艇子夜夜開桃葉桃根太往來攬起鴛鴦雙  
翅倒嫌他扇落金釵

三

紅板青樓是爾家鴛鴦家做在荷花月明打開猶自  
可月黑打開愁殺他

四

野鴨鴛鴦姊妹如打散鴛鴦鴨亦飛月落沙昏尋不  
見蒲江鴛鴦鶴吊雄雌

謝公整

園丁不識東山公墩上曾携兩頰紅今日盡栽南廡  
麥絕無蝴蝶撲香風

葉伯子三十餽果肉索詩答此

蹄豚白白杏紅紅備我嘗陽節酒供却喜壯齡多練  
達談鋒截雨吐長虹

鍾子投我篆章答此

乃上虞人而養于越

吹簫人在越王臺孝女祠邊數社來黃絹舊碑渾損  
盡須君再寫勒莓苔

二

定是元常幾代孫朱砂小篆遂專門誰知老子壁拆  
路竟讓新郎屋漏痕

擬往中止

綠菽胡麻各一盤  
憐君餉我每朝食  
猶聞竈下青衣嫂  
打餅鋪椒脆月團

擬還陳君菊鉢三首

移至之菊二本一  
錦盤橙一傲霜黃

錦盤橙麗傲霜清  
細土偏宜老鉢盛  
何用迢迢三百里  
紫沙盆去買宜興

二

黃花真不易凋踈  
對酒消愁已月餘  
今日還尋雙鉢去  
不知愁至復何如

三

百草諸香百露薄  
一時非不哭湘沅  
千年獨有黃花瘦  
爲伴行吟瘦屈原

和韻答韜仲

森森老檜已成陰  
的的青梅又苦心  
要識曾傷金彈鴈  
只須空外聽聲音

鄒生

聞君射策收復落  
今謁長官何日回  
短劍雙龍惟我在  
長江萬里是君才

曹秀才

來爲親銘幾日留歸船正遇荻花秋高檣甚憂江邊  
樹恐有啼鳥在上頭

默泉篇

其人善琴

泥金小扇月分團淡淡烟煤寫默泉泉水有流不作  
響正如琴上不絃絃

吊判府李公

晉人也

軍庫相逢晉景公楚囚親得奏南風曲終別弄飛霜  
操落葉哀蟬送斷鴻

成都

成都美酒誰當壚卓氏文君貌甚都半面芙蓉嬌映  
客青絲何日不提壺

潘承天六十

五十年前共一窓猪龍頭角未分張吾今老作鋤園  
客看爾黃堂佐帝鄉

漫曲

聞道張家燕子樓青羅小帽急梳頭花枝誰肯先春  
老無奈風吹雨打愁

王子

別字文野

樹蓋爲廬草作裯橫橋斷浦絕比隣郊原十里平如  
掌惟許琴書伴此身

古意二首

只堪話舊作生涯若論風情最有華記得金釵墮雙  
鳳十年前夜舞誰家

二

愧無李白之才華也繫滄陽幾落花儻使夜郎吹笛  
去不知何處會琵琶

王元章墓

事見山陰志

君畫梅花來換米予今換米亦梅花安能喚起王居  
士一笑花家與米家

寄沈子

兩月歸家不出門谿邊荷葉大如盆不知近到西湖  
上更大如盤有幾根

寄劉子

十年不見劉芝野小篆天然反不工就使長洲文博  
士也應石上避刀鋒

送學中施林兩先生



五洩歸來第幾層  
脚跟裂却挂藤  
冰袖中總有飛雲  
在欲贈先生恨不能

贈孫山人

龍津先生高角中  
多能不特是詩人  
昨宵與客溪橋  
上話到風平水不鱗

送羅仲明歸時有遊栖霞之約

春來臘盡客京華  
江上寒梅已作花  
羨爾歸舟行莫  
雪教誰伴我到栖霞

山陽歌醉中贈魯君二首 正韻

山陽自古四通衢  
馬去車來織不如  
獨有使君才思  
好不教一字廢文書

二

淮河流水盡蘆葦  
明府冰清貌苦羸  
却說故人禪竈  
冷爲烹一尺鰾魚肥

挽陳君之配蔣

陳君轄我飲青春  
佳輩賢閨釀絕倫  
若舉醉鄉祠祭  
典沉香先刻蔣夫人

芙蓉死